



UNIVERSITÄTS-  
BIBLIOTHEK  
PADERBORN

**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

In festo S. Thomæ Apostoli. De Euangeliō 457 & vita eiusdem.

---

[urn:nbn:de:hbz:466:1-60091](#)

In Feste S. Thomæ Apostoli. 21. Decemb.

De Euangelio Festi Ioan. 20. vide 3. part.  
medit. hebd. 1. post Pascha medit. 3.

De vita eiusdem S. Thome.

I. E xpende miram diuinæ bonitatis abyssum in Thoma ad Apostolici muneric sublimitatem ab æterno prædestinando, & in tempore vocando, quantumvis graui illius præuiso incredulitatis lapsu: in eodē tam paternè cum reliquis Apostolis ad prædestinatum brauium deducendo; in incredulitatis baratrum lapsum, & quidem pertinaciter obduratum, tam misericorditer erigendo, tam potenter emolliendo, & tam vehementer inflammando, ut illius postmodum zelo gloriæ Christi propagandæ orbis nimis angustus videretur. Suspice & extolle tantam Dei erga illum bonitatem, & similem tibi præstitam humili gratoque animo recole. Gratitudo, amor, zelus compensandi infinitam Dei sic eligentis, vocantis, deducentis quemuis electum, & te præsertim, benignitatem.

XII. 2

III. Quæma

II. Quam feruenter ille diuinam erga  
se liberalitatem, gratuitamque misen-  
cordiam pro virili compensare sit co-  
natus. 1. Insigni feruore pœnitentia,  
errorem suum tanto affectu retractan-  
do, tantis lacrymis eluendo, tor pjs  
obsequijs resarciendo. 2. Ardentissimo  
zelo gloriam Christi propagandi, o-  
mnesque à via veritatis aberrantes, si  
posset, ad Saluatorem suum agnoscen-  
dum, adorandum, amandumq; pertra-  
hendi; in hunc finem tot vasta maria,  
remotasque terras peragrando, inde-  
fesso spiritu Euangelium Parthis, Me-  
dis, Persis, Hircanis, Bactrisq; prædi-  
cando, tandemq; ad ipsos Indos pene-  
trando. 3. Simili ardentiſſimo zelo  
pro amore & gloria dilecti Magistri  
sui sanguinē fundendi, quem prodidit  
ante eius passionem, adhortando con-  
discipulos formidolosiores: *Eamus &*  
*moriamur cum illo.* Et multo ma-  
gis post eiusdem ascensionem, toties  
apud tot efferas gentes præsenti capur  
suum periculo exponendo, tandemq;  
apud Indos Calaminæ, dum ante sacra  
crucem precatetur, furori Barbarorum  
irruentium sagittis se primum transfi-  
gendum, tum hasta traiiciendum ge-  
nerosè offerendo. *Quas non eluant*

*Ioan. II.*

criminum maculas lacrymæ triples : compunctionis, compassionis, amoris, quales vberim speculum verè pœnitentis Thomas toties fudit ? quas non expient pœnas ijsdē debitas opera pœnitentiæ, zeli animarum, amoris Christi crucifixi ? si cum eodem Diuo Thoma sincerè, feruenter & constanter usurpentur ? Zelus in his feruorem Thomæ æmulandi.

III. Quam largiter feruorem eius Christus remunerat ; In hac quidem vita tot nouis gratiæ auxilijs cum præueniendo, laetum confortando, currentem promouendo, pios conatus eius in conuersione tot millium animarum peculiari fauore secundando, tandemque gloriosi martyrij gratiam eidem offerendo ; In altera repositam iustitiæ coronam, tantis eius laboribus meritisque debitam retribuendo, cum ineffabili gaudio de tanto numero tot animarum à se conuersarum. Spes similis retributionis, & feruor eam promerendi.

In festis Natiuitatis Domini, S. Stephani, S. Ioannis Evangelist, SS. Innocentium, 25. 26.  
Circumcisionis & Epiphania, vide medi- 27. 28.  
tationes ordine assignatas. part. meditati- Decemb.  
suis locis. 1. Ep. 6.

Ianuar.

2. Febr.

In festo Purificationis, vide ibid. heb. 4.  
post Epiphaniam medit. 2. & 3.

24. Febr. In Festo S. Matthiae Apostoli.

De Evangelio festi: Matt. 11. vide 1. part.  
medit. heb. 20. post Trinit. medit.

De vita S. Matthiae Apostoli.

I. Expende admirandam diuinæ  
lectionis abyssum in Matthia in  
locum Iudæ proditoris subrogando,  
quem uti ab æterno ad duodecimum  
Apostolici culminis thronum olim in  
cœlo possidendum elegit is, de quo  
scriptum: *Sortes mittuntur in finum, sed  
a Domino temperantur*, ita in tempore  
eidem, cum inter ipsum & Barabam  
per sortem missam diuinæ suæ volun-  
tatis indicium exquireretur, e cœlo  
suffragium tulit: *Nam cecidit fors super  
Matthiam, et annumeratus est cum unde-  
decim Apostolis.* O quanta gratia sic grati-  
tis ab æterno eligi, sic gratis in tempo-  
re vocari, gratis tantis gratiæ Aposto-  
licæ prærogatiuis sublimari, ut mere-  
tur accenseri secundarijs fundamentis

Prou. 16.

Ador. I.